

DISSERTATIO INAUGVRALIS MEDICA
DE
ATAXIA MENSIVM
PROVIDE DIIVDICANDA ET CVRANDA

QVAM
SVMMI NVMINIS AVSPICIO
ACADEMIAE FRIDERICO ALEXANDRINAE
RECTORE MAGNIFICENTISSIMO
SERENISSIMO PRINCIPE AC DOMINO
DOMINO
CHRISTIANO FRIDERICO
CAROLO ALEXANDRO
MARGGRAVIO BRANDENBVRGICO BORVSSIAE
SILESIAEQVE DVCE BVRGGRAVIO NORIMBERGENSI
VTRIVSQUE PRINCIPATVS REL. REL.

EX DECRETO GRATIOSAE FACVLTATIS MEDICAE
PRAESIDE
D. HENRICO FRIDERICO DELIO
RENISS. MARGGR. BRANDENB. ONOLD. ET CVLMBAC. CONSIL. AVL.
MEDICINAE PROFESSORE PRIMARIO
ACAD. IMP. NAT. CVRIOS. ADIVNCT. REG. SOC. MONSPELIENS.
ET ACAD. SCIENT. ET ART. RHOTOMAG. SODAL.

PRO GRADV DOCTORIS
SVMMISQVE IN MEDICINA HONORIBVS
IVILEGIIS ET IMMVNITATIBVS LEGITIME OBTINENDIS
PVBLICO ERVDITORVM EXAMINI SVBMITTIT
AVCTOR ET RESPONDENS
IOANNES CASPARVS HIRZEL
TVRICO-HELVETVS.

HEBENSTREIT.

de homine fano et aegroto Carm.

p. 161. 283.

Scilicet ut variare modos, et tempora, cernis

Sic variis itidem mutatur foemina morbis. — — —

Pharmaca nulla valent, nisi quae sint commoda caussis,

Sint nisi temporibus, nisi sint nascentibus ultro

Atque salutiferis naturae motibus aequa.



DE
ATAXIA MENSIVM
PROVIDE DIIVDICANDA ET CVRANDA.

§. I.

Sanguinis sinceri, e variis corporis humani locis, excretiones, seu *haemorrhagiae*, quae absque iniuria externa, vel interdum ope chirurgica, procedunt, inter medicos *naturales* audiunt. Nonnullae porro earum, quando prosperum effectum post se trahunt, atque e locis haud adeo periculosis proueniunt, neque copia euacuati cruoris peccant, pro *salutaribus* declarantur, dum inde aut vniuersa massa sanguinea, nunc forte abundans, imminuitur, aut Sanguis, ad certa loca congestus, excernitur, et tali modo symptomatum leuamen subsequitur. In horum numerum *haemorrhagia narium*, *haemorrhoides*, *fluxus menstruus*, *lochia*, referuntur. Quando vero tale sanguinis profluium e locis minus tutis oritur, atque periculosas inducit sequelas, tum *minus salutes* appellantur tales haemorrhagiae; quorsum *haemoptysis*, *vomitus cruentus*, *mictus cruentus*, pertinent; ut ea loca nunc taceamus, quae haud

adeo solita sunt, e quibus tamen interdum sanguis excernitur, veluti ex Oculo, gingiua, faucibus, e varice, aneurysmate, papilla, fonticulo, cute, *cet.*

§. II.

Quamuis autem maneat suus haemorrhagiis salutaribus honor, tamen ipsa haec cruoris excretio, licet et naturae autocratiae opè proueniat, non plane naturalis esse videtur, dum causam quandam praeternaturalem vltimato supponit, quae vel in humorum quantitate, vel qualitate, vel vtraque simul, vel in vitioso eorum motu, sita est; et quoad modum, quo perpetratur vitium, praeternaturalem constitutionem quandam vasorum, et organorum, prodit, siue nunc haemorrhagia fiat, per anastomofin, vel diaeresin, vel diapedesin, vel diabrosin. Vt ideo, si et haemorrhagiam quandam prosperi effectus sequantur, ea vt minus malum consideretur, saltem vt tale, quo peiora mala auertuntur, quae pro vario vitae genere, et aetatis ratione, ingruunt, veluti illud iam HIPPOCRATES obseruauit, *Lib. III. aphor. 27. 29. 30.* Neque alio modo salubritas haemorrhagarum nonnullarum concedi potest, quam, si, pro ratione subiectorum, debito tempore, modo, copia, succedant, cum contra damno non careant, si in-tempestiue, nimis large, et cum impetu, administrentur; vt ergo maxima medicus opus habeat, in rite diudicando, et curando, negotio haemorrhagico, cautione.

§. III.

Sed est tamen inter dictas haemorrhagias quaedam, quae *maxime naturalis* dici potest, et ea propter magis phy-

physiologicam, quam pathologicam, vel Therapeuticam considerationem meretur. Ea sexui feminino propria est. Scilicet sub finem secundi septenarii, seu ab anno circiter decimo quarto, quo vtcunque Corporis feminini incrementum peractum est, vsque ad finem septimi, seu ad annum vsque quadragesimum nonum, in sanis, et non grauidis, vel debite lactantibus, finito quouis mense solari, vel quoque lunari, seu 29. vel 30. dierum spatio, exstillat ex vtero, et interdum quoque vagina, sanguis sincerus, ad aliquot, vel plures, pro indiuiduorum ratione, vncias, quae excretio per aliquot dies durat, elapso mense iterum reditura. Frustra laborare videntur, qui causam haemorrhagiae, quae et *cum* phasibus lunae conspirat, huius menstruae, a luna deriuant, vel fermentum quoddam, vt autorem, adsumunt. Propius ad veram Causam, et simpliciore magis, accedunt, qui peculiarem corporis muliebris structuram, structurae fines, mediaque, quibus scopi obtineri queant, considerant. Scilicet datus est feminis vterus vasculoso musculosus, in quo, suo tempore, foetus concipiatur, formetur, nutriatur, ex quo demum nouus homo in lucem prodeat. Non ita certum, et determinatum magis, quam reliquis animalibus, vteros diuersae structurae gerentibus, praescriptum est homini, actus generationis, vel quoque, vocis interdum naturae, explendae libidinis, tempus. Sed alitur praecipue foetus materno sanguine. Itaque statuto tempore femina, quando debitum corporis incrementum cepit, et nunc ad concipiendum habilis, et sana, est, paulo maiori copia boni sanguinis gaudere debet, cuius tantum, quantum opus

est, versus vterum, ad alendum nouum hospitem, mittat. Nascitur hinc plethorae quaedam species, quae, nisi suo scopo impenditur, molesta fit. Congeritur inde magis versus hanc partem, functioni dictae destinatae, sanguis, et oritur *plethora localis*. Inde porro, in tam sensili organo, pruritus, ex eoque maior adhuc congestio, dilatatio vasorum vteri, ab hypogastricis oriundorum, cum spermaticis quoque communicantium, deinde anastomosis quaedam eorum, et apertio, circa fines Arteriarum, et venarum initium, et inhalatio quaedam sanguinis in cauum vteri, et e vasis, quae et floculenta, vermicularia, appendices venosas *cet.* appellant, et inde similitudinem structurae vteri et mammarum, vti, praeter alios, Cel. ASTRUC *Traité des Maladies des Femmes* T. I. p. 12. sequi quanquam haud plane adposite, inferunt. Oritur itaque tanta sanguinis, et *criseos speciem* prae se ferens, excretio, quanta sufficit ad tollendam hanc plethoram, vt quoque interdum, si necessitas hanc excretionem vrgeat, congestus sanguis, vt et interdum in grauidis, ex parte per vaginam transfudet, et eodem forte modo, quo haemorrhoides fluunt. Dum autem sanguis, alias menstruatim excretus, nunc oborta grauiditate, remanet, primis praesertim mensibus, in grauidis fere eadem pathemata creat, quae a plethora ori ri solent. Interea cohaerens, cum vteri superficie interna, ouum, ab ipso sanguinem recipit, vnde ad foetum per venam vmbilicalem fertur, e foetu ad placentam, per arterias vmbilicales, rediens. Excluso autem infante, nunc quoque soluitur ab vtero placenta, vnde vulnus quasi vteri latum, nunc sanguinem stillans, cuius fluxus *lochia* vocantur. Hic fluxus eosdem fontes, ac catamenia agnoscens

cens, per septem circiter dies durat, immo ad septimanas extenditur. Repurgato demum vtero, sanguinis riui clauduntur, qui nunc magis ad mammas, secretioni lactis destinatas, fertur, cessante interea regulariter, lactationis tempore, menstruo fluxu, qui autem, hac finita, vel prohibita, suo tempore redit.

§. IV.

Breuiter sic adumbrauimus mensium negotium. Fusius autem, et limatius, hanc historiam tractauit ill. V. HALLER, *Elem. Physiol.* Tom. VII. Lib. XXVIII. atque plurium autorum sententias, sententiarum, et hypothesium, rationes, adduxit, et conciliauit, quorum et Cap. XXIX. Tom. VIII. pertinet, et PRAESID. diff. *de ouis muliebribus, foecundis et sterilibus*, nec non, *de uteri fabrica controuersa*. Quando autem de mensibus dicta *ita* procedunt, tum *κατὰ τὰς*, seu *regulari modo*, fiunt, sin secus, *αταξία*, seu *irregularitas*, oritur. Dum autem mensium fluxus excretio quaedam naturalis, et sexui feminino propria, est, magna inde, si recte procedit, oritur sanitatis pars. Quodsi vero ea irregulari modo procedit, fieri non aliter potest, quam vt insigniter laedatur sanitas. Varia autem esse potest ea ataxia, si saltem excretionis *tempus, periodum, ordinem, modum, quantitatem, qualitatem, sequelas. cet.* consideramus, siquidem varii data occasione, et pro variis causis, propullulare possunt morbi, et caussarum, et morbosorum effectuum, Schema varium. Sicuti iterum vice versa varii subesse possunt morbi, in quibus irregularitatis caussae fitae sunt. Vt adeo medicus, si in foeminis aegrotis ataxiam mensium obseruat,

pro-

prouide hunc statum diiudicare debeat, atque in causas irregularitatis descendere, ex qua demum diiudicatione tunc patet, vtrum hanc irregularitatem solummodo iterum, ad suas regulas, restringere, et effectus morbosos tollere, an potius ad causas ataxiae remouendas ipsi adlaborandum sit, vnde tandem aut iterum regularitas oriatur, vel, si causa naturalis, interdum non statim liquida, subsit, negotium naturae, et tempori, commendandum.

§. V.

Quodsi regulari modo procedere menses debent, oportet feminam iustae aetatis, nec grauidam, nec lactantem, esse, et ceteroquin, et suo modo, sanam: gaudentem, pro temperamenti ratione, debita, sanguinem constituentium partium miscela, libero sanguinis circuitu, debito, partium solidarum tono: Insuper satis mobili vitae genere, vt et legitima diaeta, et regimine apto, quoad Corpus et animum, fruenter.

§. VI.

Verum enim vero, si et feminei corporis structura sit tenera, imbecillis, adsint conformationis Vitia, adsit fibra vel laxa nimis, vel vltra modum stricta, adsint humores pituitosi nimis, et segniores, vel etiam abundantes, et orgastici, tenues et acres, e. f. p. et accedat diaetae, vel regiminis, minus iusta administratio, et alius morbus, tum a regula etiam menstruus fluxus, inducta sic causa praedisponente, et procatactica, et proxima, aberrare potest, et creare deinde iterum plura incommoda.

§. VII.

§. VII.

Rursus, quando, in, alias rite menstruata, femina subito, vel sensim, et absque grauiditate, per causas varias occasionales, tributum hoc lunare sistitur, tum plura inde eueniunt mala. Dum enim sistitur ipse pendens fluxus, et in vasis vteri sanguis subsistit, tum ex stasi inflammari vterus, aut cruor corrumpi, corruptus resorberi, aut congestus sanguis redundare, regurgitare, ex orta nunc Plethora ad alias partes deponi, exitum alium moliri, vel in vicinis, vel remotis, partibus restringi, potest. Inde ipsius vteri acutae, vel chronicae, laesiones, hysteria, dolores lumborum, intestinorum, systematis vropoieseos, artuum, Cephalalgiae porro, conuulsiones, mentis turbationes, suffocationes, tusses, vomitus, cardialgiae, secretionum et functionum in aliis organis sufflaminationes, excretionum retardationes, massae sanguineae contaminationes, chlorosis, cachexia, lenta vel hectica febris; *cet. conf. BOERHAVII aphorism. de cognosc. et cur. morb. 1285. et VAN SWIETEN Comment. Tom. IV. p. 413. sequ. IVNCKER consp. med. pract. Tab. XV. p. 116. sequ.*

§. VIII.

Prouti nunc *Ataxiae mensium modi, causae, effectus, effectuum, J. symptomatum, Schemata*, variant, sic irregularitas haec in varias morborum classes reponi potest. Ita si spectetur haec ataxia, locum inuenire potest, inter *dolores*, secundum Cel. SAVVAGESII *Nosolog. methodic. Class. VII. Ord. IV. Tom. III. p. 1. p. 180.* Porro inter *vesanias*, EIVSD. *Class. VIII. Ord. 1. n. V. Hypochondriasis hysterica l. c. p. 303.*

Itidem inter *fluxus*, Class. IX. ord. i. n. VI. *Menorrhagia*. Tom. III. p. II. p. 54. ord. III. *Serifluxus*, n. XXIX. *Leucorrhoea*. Inter *cachexias* Class. X. ord. VI. n. XXXIII. p. 500. *Chlorosis*. *Menostasia*. Inter *Spasmos* Class. IV. Tom. II. P. II. ord. IV. n. XX. p. 99. *Hysteria*. Secundum perill. a LINNE' genera morborum pertinere potest, ad Class. IV. morborum dolorosorum n. 55. *Hysteralgia*, ad class. VIII. morborum suppressoriorum n. 168. *dysmenorrhoea*, ad Class. IX. euacuationum, n. 202. *Menorrhagia*. Vid. *Amoen. academ.* Vol. VI. p. 461. seq. Secundum ill. VOGELII *defin. gener. morbor.* enumeratur in Class. II. *Profluuiorum*. n. 96. *menorrhagia*, inter *apocenoses* n. 119. *Leucorrhoea*, in Class. III. *epischesium*, n. 130. *amenorrhoea*, in Class. IV. *dolorum* n. 169. *Hysteralgia*, n. 170. *dysmenorrhoea* in Class. V. *Spasmodum*, n. 219. *Hysteria*. in Class. VIII. *cachexiarum* n. 305. *Chlorosis*. Ut alios *systematum morborum*, eorumque *adfinitatum*, conditores nunc taceamus, et plures, aevi nostri inprimis, autores pathologicos, generales et speciales, sua laude non defraudandos. v. c. Vir. Cl. de GORTER. GAVBIVM. STAHLIVM. IVNCKERVM. PLATNERVM. HEISTERVM. LVDWIGIVM. BAGLIVM. SANTORINVM. FREINDIVM. ASTRUCIVM. LOBBIVM. de HAEN. MANGOLDVM. alios. Conf. quoque Cl. TISSOT. *AVIS AU PEUPLE*. Cap. XXVI. et Cl. ZIMMERMANN. *von der Erfahrung in der Arzneykunst* p. II. p. 409. seq.

§. IX.

Vberius autem *ataxia mensium* in suas *species* dispesci poterit. Si enim I. vniuersum AETATIS STADIUM consideramus, in quo regulariter menses procedunt, oriri potest:

1. EMANSIO, quando in iunioribus, debito tempore, non proueniunt, sed ad annum XVI. XX. et vltra, cum maiori, vel minori, sanitatis dispendio, emanent menses, ideoque *eruptio difficilis* redditur. Quorsum et rationes climatum pertinent, et singulares casus referendi sunt feminarum, quae per integram vitam non menstruatae fuere. In pluribus autem initium mensium est finis morborum eorum, qui fluxum hucusque retardarunt.
2. PRAECOCITAS, quando ante annum XIV. menses erumpunt, quae quidem in calidioribus regionibus dicitur esse familiaris. In nostro Climate morbosa est, et sensibilitate indiuiduali, nec non caussis occasionalibus, nititur, et quod cito fit, cito saepe perit, interdum saltem ad tempus, et si in temperie corporis fundata sit praecocitas, successu temporis aliis morbis stipatur fluxus.
3. CESSATIO PRAEMATVRA, quando, ante annum quadragesimum nonum, haec excretio in feminis cessat, vnde, praecipue in sterilibus, hic finis initium saepe fit plurimorum morborum.
4. PERDVratio, vltra exactos L. annos, in eufarcis, mobili vitae genere gaudentibus, aut sterilibus, haud adeo damnanda, in debilibus, et vitio vteri laborantibus, in largas haemorrhagias, hydropem, hecticam, saepe terminatur.
5. RECVRSVS *in annosioribus*, et post praematuram cessationem, orta reuolutione quadam occasionali; et post cessationem naturalem; ambigui tamen ominis.

V. ILL. PRAESID. *amoenit. medic.* Decad. IV. Caf. VII. et Epicris. p. 296.

§. X.

Quodsi porro II. PERIODVM *ipsam menstruam, typum. que,* perpendimus, variae iterum occurrunt irregularitates:

6. ANTICIPATIO, quando vel bis per mensem excretio haec procedit, vel ante elapsum 29. dierum spatium; quae in plethoricis, sensibilibus, lauta diaeta fruentibus, imo salacioribus, e venae sectione intempestive instituta, *cet.* occurrit. In acutis morbis mali, ancipitis saltem, ominis.

7. PROROGATIO, *f. postpositio, remora, retardatio,* termini menstrui ad 5-6. hebdomades, et ultra, cum minore, vel maiore, incommodo.

8. MENOSTASIA, *Obstructio f. retentio. f. suppressio* mensium, sub ipso fluxu, vel prohibitio eiusdem, post reuolutam periodum, vel sensim, et ex aliis morbis, eorumque causis, oborta.

α. MENOSTASIA, *seu mensium obstructio, a graviditate.* Haec causa naturalis est. Sed probe tamen, in nuptis, et innuptis, a medico clinico, et forensi, perpendenda, et diiudicanda, ne quidquam, ubi non decet, moueat, aut se decipi patiatur, neque autem, si plethora, cum suis effectibus, aegre fertur, omnem medelam, negligat. Huc M. *ex lactatione* quoque referenda videtur. Vt tamen, si *menstrua sub lactatione* quoque procedant, et matri et infanti non penitus conducat haec *reuulsio.*

- β. MENOSTASIA, *mensium obstructio, a pathematibus animi*, terrore, moestitia, iracundia, desiderio vario, amore saepe occulto, gaudio, vt effectibus stricture, vel labefactionis *neruorum*, et hinc vis auctae, vel imminutae, in vasa, sanguinem vehentia.
- γ. M. a *Plethora grauatua, spissitudine humorum, acrimonia varia, cacochymia, chlorosi*.
- δ. M. *ab anaemia*, vel vera, vel spuria. In egenis, pauperculis, hecticis, ab aliis haemorrhagiis nimis, et artificialibus quoque excretionibus. Conf. Ill. ISENFLAMM Diff. *de anaemia vera, et spuria*.
- ε. M. *a debilitate, et languore, fibrarum*, s. toni, de fectu irritationis, vita sedentaria, cachexia.
- ζ. M. *a refrigerio* vario, pedum praecipue, haustu frigido.
- η. M. *a Venaesectione* largiore, saepius friuole repetita.
- θ. M. *a vitiis diaetae*, cibis dyspeptis variis, assumtis acidis, *cet.* orto sic vitio primarum viarum, quarum consensus cum Vtero, vasorum et neruorum ope, et generalis et specialis, admodum solennis est, quemadmodum, vice versa, etiam ex *uteri* vitio, eiusque functionibus alteratis, ventriculus, et canalis intestinorum, alteratur. Conf. HENR. 108. REGA. Tract. *de Sympath. s. consensu part. corp. human.* ac potissimum ventriculi C. XV. p. m 265. sequ. Ill. PRAESID. *Abhandlung von Blähungen vnd Dünsten.* Ed. III. p. 69. 73. seq. WINSLOW. *Expos. anat.* Tom. IV. §. 618. 624.

- i. M. *ex alio morbo* v. c. febre intermittente, acuta varia, vel idiopathica, vel symptomatica, e phtisi pulmonali vera, aliaue, vel ex labe visceris cuiusdam, vel neruosa: porro ex ictero, atrophia, vermibus, arthritide.
- ii. M. *ab adstringentibus medicamentis*, minus recte interdum propinatis, a *vestimentis arctioribus. cet.*

§. XI.

III. Ratione MODI, quo menses procedunt, si *regulam spectes*, inter ataxias occurrit:

9. DYSMENORRHOEA f. difficilis menstrui sanguinis excretio, iuncta cum *doloribus colicis*, lumborum, dorfi, partium regionem ossis sacri terminantium, inguinum, crurum, cum Cephalalgia, vomitu, alui constipatione, dysuria, passionibusque aliis hystericis. Causae coincidunt cum paullo ante dictis, hoc tantum discrimine, vt hic non sit menoetasia, sed existens quidem fluxus, at libere non succedens.

§. XII.

IV. Haec autem dysmenorrhoea etiam cum aliis vitiis iuncta esse potest, si QUANTITATEM *sanguinis excreti*, seu quoque *excernendi*, spectemus. Datur enim:

10. OLIGOMENORRHOEA, seu paucitas menstruorum, dum, si et statim tempore fiat, tamen vix in vnum, alterumue, diem fluxus durat, et mox euanesceat, vnde e fluxu parcipromo, non ea Salus, quae alias ex hoc beneficio expectanda est.

11. MENORRHAGIA, seu fluxus sanguinis nimius, solita quantitate excedens.

α. *Menorrhagia copiosa, saepe immodica, singulis mensibus reuertens, tandem debilitans.*

β. M. in *bis per mensem* menstruat, aut breuiore inducias admittens, consueta, vel e causis occasionalibus, calidorum vsu, motu nimio, saltatione, *cet.* oriunda,

γ. M. *stillatitia*, per plures menses, annos.

δ. M. in feminis, paulo ante tempus, quo naturaliter *cessatio fluxus instat*. Saepe *beneficium*, vtiliter accipiendum, cum eo breui carendum sit. Cauendum autem, ne nimium vertatur in Vitium, ex quo cachexia, hydrops, tabes, *cet.*

ε. M. *gravidarum*, saepe *abortiva*, qua aut ova foecunda, aut sterilia, primis praesertim mensibus, excernuntur. Conf. Ill. PRAES. *Beobachtungen und Untersuchungen, welche das Geschäfte der Erzeugung und Geburtshülfe betreffen.* Norimb. 1767. p. 27. seq.

§. XIII.

V. Sanguis, in sana et munda foemina, menstruatim excretus, *colore naturali*, et *consistentia*, gaudere debet. Sed et QUALITATE peccare potest.

12. MENORRHOEA CACOCHYMICA.

α. M. C. loturae carniū similis, *decolor*. Talis esse solet in principio eruptionis, praecipue in iuuen-

uenculis, vasis nondum iuste patulis, quam si sequatur, legitime, sanguis sincerus, haud adeo damnanda, sicuti quoque, si versus finem periodi talis sit. Si vero ita perduret, morbosa. Saepe arigiditate fibrarum, vasorumque vteri, ab anaemia spuria, a scirrho, *cet.*

β. M. C. *thrombosa*, seu *thrombi cruoris*, *polypi*, sanguis coagulatus, nigricans, interdum foetens. *Amas*, Gallis. Saepe post menostasiam, eamque variam. Coagulum autem et in Vtero oritur, ex dysmenorrhoea, ex momentanea forte suppressione fluxus, aut in vagina, a remora varia, et sub decubitu. Sed et saepe non solus coagulatus sanguis est, qui excernitur, *sed abortus species*. Sollicite itaque interdum inuestigandum coagulum. Conf. §. 12. δ. ε.

γ. M. C. *acris*, genitalia arrodens, excorians, ex acrimonia, vel vniuersali, vel locali.

δ. *Leucorrhoea*, s. effluxus *materiae albicantis*, et variegatae quoque, ante, et post, sanguinis rubicundi immo per interualla, et chronice quoque, proueniens.

a. L. *in iuenculis*, termino menstruo proximis. An humor lacteus, e vasis, ab ASTRUCIO descriptis? V. supra §. 3. sed et lacteus humor, absque fabrica, mammis simili, et alibi secerni potest. V. HALLER *prim. lin. physiol.* §. 227. Vt potius haec Leucorrhoea videatur esse effectus dilatationis vasorum vteri, primo lymphaticam materiam transmittentium, donec sincerus sanguis sequatur.

- b. L. Sub finem cuiusdam menstruationis: species suppurationis alicuius restitantis sanguinis, nec non transfudationis lymphae, dum sanguis nunc ab vtero auertitur.
- c. L. e fontibus mucosis, circa orificium vteri e sic dicto ouario NABOTHI, et in vagina, obuiis. Materia *liquori prostaticae* similis. In oestro venereo. Occulto interdum.
- d. L. *benigna*, s. *fluor albus benignus*, qui iterum periodicus, a. b. c. interdum diuturnus, ex laxitate vteri, tenuitate humorum, a nimio infusorum Theiformium, ipsiusque Theae, vsu, a feri-congestione, vt et cum *coryza* symbolizans. Simile quoddam in viris, gonorrhoeam benignam expertis, obuenit.
- e. L. *lochialis*, in recusantibus lactationem, e lacte in sanguinem resorpto, cum lochiorum fluxu iterum exterminato, cuius alias depositiones varios pariunt morbos. Conf. Cl. PVZOS *Traité des accouchements*. Etiam supra b.
- f. L. *ulcerosa*, ab ulcere, scirrho, cancro, cum grauioribus symptomatibus, sequeute haud raro tabe, hydrope.
- g. L. *maligna*, s. *sypilitica*, s. *venerea*, acris, erodens, pessimi coloris, odoris.
- h. L. *gravidarum*, distinguenda a praemature liquoris amnii effluxu, et fontes, c. agnoscens, vel

quoque aquas sic dictas spurias, inter vterum, et placentam.

§. XIV.

Quando sanguis, per vterum excerni solitus, exitum non inuenit, vel retardatur, supprimitur, tum, praeter alia morbosa pathemata, ab inducta plethora, redundantia, congestione, restrictione, caussis occasionalibus, ad varia loca deponitur, vbi saepiuscule exitum inuenit, vnde nonnullae tales haemorrhagiae mensium vices quodammodo supplent, vt tamen opus sit, negotium in statum ordinarium redigere.

13. MENORRHOEA *erronea*. Atque ea satis periculosa euadit, si per talia loca sanguis erumpit, vbi inductum vulnus difficulter sanatur, vel, vbi sanguis subsistit, difficiliores discussiones, depurationes, *cet.* admittit, vt in *pulmonibus*, *ventriculo*, *venibus*, suborta nimirum *haemoptysi*, *vomitu cruento*, *micthu cruento*, *cet.* quanquam tamen et hic, interdum satis feliciter, medela parata sit. Sed per alia loca, cum minori periculo, interdum cum euphoria, sanguis menstruus exiisse visus est, vt e *naribus*, *auribus*, *palato*, *gingiuis*, *labio*, e *papilla mammae*, e *digito*, e *varicibus saphaenae*, vena malleoli, aliarumque venarum, ex *umbilico*, per *cutem*, e locis *haemorrhoidalibus*. Conf. SAVVAGES, *Nosol. Method.* Tom. III. P. II. p. 57. Ill. DE HALLER. *Elem. Physiol.* Tom. VII. P. II. p. 157. ALBERTI *Lexic. med. real.* T. I. p. 272. Tom. II. p. 662. seq.

§. XV.

In recensione plurimorum *generum*, et *specierum*, mensium *ataxiae*, passim simul causas eiusdem adduximus, quatenus vel *naturales*, et *praedisponentes*, vel *materiales* vel *formales*, vel *occasionales*, sunt, ut ampliori earum, enumerationi nunc supersedere possimus. Sed iterum haec *ataxia*, e variis causis inducta, plures adhuc parit EFFECTVS morbosos, symptomataque molesta, quae aut ipsum *uteri* viscus adficiunt, vel generatim humorum massam, et solidas partes, vasa, nervos, musculos, viscera alia, alterant. Recenseamus itaque etiam potiores morbosos *ataxiae* mensium effectus.

I. HYSTERIA, HYSTERALGIA, MALVM HYSTERICVM, *Vapeurs. Mutter Umstände.* Vox usitata, latissimae saepe significationis. Proprie autem nunc sumitur pro ipsa *uteri*, et vera, affectione, eaque, et pro ratione varia *ataxia* mensium, etiam, et gradu, varia, et inde etiam in alias partes actiuosa: quae varietas, ex dictis hucusque, haud difficulter patet. Hysteria itaque si adsumitur, aliquo tamen modo *uterus* pati debet, saltem vere, si id tandem ex aliis causis, et simul, fiat, adficitur. Alias *passiones* dictae *hystericae*, saepissime sunt *hypocondriacae*, aut *nervosae*. Ut tamen *nollemus* ea propter pathemata, a *nervis* praecipue oriunda, inde *hysteriam* appellare! *Functiones* autem, vitales, naturales et animales, ex alterato *utero*, alterari quoque solent, ut inde, in variis partibus, manifestentur plura symptomata, et

a restrictione, redundantia, sanguinis, vel sinceri, vel cacochymici, et e consensu vasorum, nervorum, cellulosae telae, *cet.* oriunda. Prouti autem et talia symptomata in *virginibus, mulieribus, viduis*, obueniunt, sic variam originem habere queunt, quae, praeter §. 10. dicta, et in grauiditate, puerperio, abortu, fita esse potest, vt et ataxia possit magis esse effectus morbosus, quam primarius morbus. Sed posita tamen ataxia mensium, ponitur sic quoque aliorum effectum morbosorum iterum causa. v. g.

2. *Exanthematum* in morbis acutis haud debitus successus, et *retrocessio*, praesertim in *variolis*, quando minus iusto tempore menses erumpunt. Quodsi sub inuasionem, vel circa finem, huius morbi catamenia fluunt, tum haud adeo videntur extimescenda. Quando autem in eo stadio erumpunt, quod suppuratio procedere debet, tunc *periculosa* saepe *reuulsio*, et, prohibito sic suppurationis negotio, morbus infeliciter decurrit: vt ideo bene agant et feminae, si morbum, arte, et quouis bello modo, ante pubertatis tempus, superare tentant, vt postea e superueniente, minus commodo tempore, fluxu, nihil habeant, quod timeant. Conf. FRÆNCK. SAMMLUNGEN Vol. III. P. XIII. p. 18.

3. *Vitia* vteri, eiusque partium, *topica*, v. c. e menostasia *hydropes ovarii*, stupendae interdum magnitudi-

tudinis. FRÆNK. SAMML. Vol. III. p. 519. Vol. IV. p. 431. Aliae porro concretiones, scirrhi, carcinomata, steatomata, *cet.*

4. CHLOROSIS, habitus cachecticus, ab emanfione menfium, et faepe emanfionis, et menoftafiae, cauffa. Chlorosis et a menorrhagia nimia, euacuatis fic, vltra modum, partibus fanguinis rubicundis, vnde fulphurearum fic dictarum penuria, maior diffolutio lymphae, eiusque in telam cellulofam infiltratio, vnde folidorum debilitas, oedema, leucophlegmatia, anafarca.

5. *Mentis morbi*, vefaniae variae. Melancholia, furores fic dicti vterini, febris amatoria, nymphomania. Lypothymiae. Erethismus.

6. *Pathemata fpaflico-conuulfiva, dolores*, aliaque connexa.

a. circa *caput*, cephalalgia, clauus, carebaria, hemicrania, vertigines, otalgia, ophtalmia, aestus volaticus.

b. circa *thoracem*, praecordiorum anguftia, tuffes, haemoptyses, phtifis, fuffocatio hystERICA, cordis palpitatio, afphyxia. Mastodynia, alii que marum affectus. Conf. Ill. PRAES. diff. *de confensu pectoris cum infimo ventre* §. 51. 52. Consensum enim thoracis, eiusque partium, cum vtero, lubenter adsumimus, absque tamen fabricae similitudine, vt potius is aliis legibus actuetur.

- c. circa *abdomen*, cardialgia, pica, vomitus colica, flatulentia, constipatio.
- d. circa *artus*, et corporis *peripheriam*, spasmi, notialgia, ischias, obdormitiones, convulsiones, paralyses, tumores, varices, lichenes, vari, ulcera, barba.
7. *Sterilitas*, ab emanatione, menostasia, menorrhagia.
8. *Abortus*, a laxitate, strictura, vteri, plethora, recursu mensium intempestiuo. Huc *mola* V. §. 10. α. §. 13. β.
9. *Vteri inflammatio*, suis causis respondens.
10. *Febris lenta*, et *hectica*, *tabes*, e labe vteri, et tum viscerum abdominalium, imo pulmonis, si vere huius visceris labes introducta est, vnde tamen iterum et vteri functiones *ατακται*. *vel*.

§. XVI.

Sed satis est aerumnarum, ab ataxia functionis vteri deriuandarum. Plura pathemata adhuc magis addi, determinarique, queunt. Lernam malorum saepe vterus gignit. Quamuis autem hucusque species, et effectus, ataxiae mensium adumbraverimus, mens ea tamen nobis non fuit, vt solummodo, hosce effectus ab vtero deriuandos esse, iudicemus; vt potius etiam adstruamus, saepiuscule alias causas subesse, vnde hi effectus pendeant: vnde itaque et ataxiae mensium, vt effectus harum caus-

cauffarum, et complicatorum porro adfectuum, considerandae veniunt. Hinc in inuestigatione cauffarum, et nexus earum cum effectibus, apprime sollicitum esse oportet medicum rationalem, vt *anamnesin* et *diagnosin* rite instituat, vt inde et *prognosin*, et *indicationes*, rite formet.

§. XVII.

Licet autem, et methodi caussa, plura affectuum morbosorum nomina adduxerimus, tamen his non solum nititur eorundem curatio; siquidem quando *indicantia* rite inuenta sunt, *schemaque* morbi determinatum, facile, cum aliis, in verbis conuenire possumus, si modo in re ipsa conueniamus. Conf. Ill. PRAESID. diss. *de methodo medendi rationali eadem, in morbis, schemate et nomine diuersis, legitima et proficua*. §. II. 16. et passim. Interim cum is bene curare possit, qui bene distinguit, necessaria, suo loco, est *parbematum*, quoad cauffas, effectus, eorumque *genesin*, *typum*, *schema*, *sequelas*, et inde oriunda *nomina*, eaque, pro vario respectu, varia, distinctio.

§. XVIII.

Non vna itaque est ataxiae mensium curatio. Optima est cauffarum sublatio. Quae itaque caussae dum variant, varia vtique opus habent, indiuiduorum rationi appropriatae, methodo. Praecipue emansio, obstructio, dysmenorrhoea, non solis sic dictis *emmenagogis*, pellen-
ti-

tibus positivis, calidioribus, exaestuantibus, tractanda est. Interdum expectatio, compositio vitae generis ad debitum regimen, ad regulas diaeteticas, praestat, nonnulla ferenda, neque impatienter admodum vrgenda. Videndum autem, quatenus primum orta fuerit laesio, an *mensium*, an *ipsius corporis partium*. Generatim autem in aliis iners humorum massa *resoluenda*, abstergenda, in aliis fibrarum robur excitandum est, in aliis nimius erethismus temperandus, in aliis strictionis relaxandae. Remotis autem obstaculis, si tandem ad promotionem menstrui fluxus veniendum est, prouti circa omnem methodum medicam adhibendam, *ευκαιρία*, seu iusti temporis electio, praestat, sic in hoc negotio periodico ea maxime necessaria est, ut excretio haec per omnia ordinate succedat. Propinanda sunt itaque blanda emmenagoga versus ipsum solitae eruptionis tempus, ut in termino effectus succedat: aut, si terminus sit vagus, vel nondum determinatus, ipsi effectus morborum facem medico praeferant, quidnam sit moliendum, a quo abstinendum. Conf. Ill. PRAES. IN ERLANG. GEL. ANZEIG. 1750. N. 22. *von einer monatlichen Cur*. Praecipue autem, pro ratione causarum, et individuorum, remouenda ea sunt, quae vterum in consensum morbosum trahunt. *Abstergendae*, et eliminandae, sunt, ventriculi et intestinorum *impuritates* variae, male digestae, viscidae, acres, biliosae, interdum verminosae. *Sanguini spissiori*, et saepiuscule per viscera abdominalia difficilius moto, debita fluxilitas concilianda, et ad hanc actuandam *venaesectio*, praemittenda, *corporisque motus* suadendus, est. *Nimia*

tenuitas, vel *acrimonia*, blandis inuoluentibus, et nutrientibus, interdum balsamicis, corrigenda est. *Solida* nimis *stricta* flexilia magis, *relaxata* roboranda sunt. *Spasmi*, et irritabilitas nimia, orgasmi, aestus volatici, *excretiones nimiae*, temperationem, moderationem, et toni aequalitatem, exposcunt, a cohibitione diuersam, vbi tempora, et indiuidua, respicienda sunt. Indicationes hae, per congrua indicata, pro circumstantiarum ratione, combinandae sunt.

§. XIX.

CHLOROSIS in primis vario modo tractanda est. Ea, quae in emanatione, obstructione, mensium, obuenit, et *spissitudinem* humorum, et *empbraxin* in aliis visceribus, inuoluit, paulo acriora resoluentia, diuretica, aluum ducuntia, et tum tonica, postulat. Talis autem, quae e *tenuitate humorum*, excretionem nimia, fibra debili, oritur, roborantia, incrassantia, nutrientia, interdum incitantia, amara, balsamica, et suo loco, martialia, flagitat. Pallor, cum lenta febre iunctus, et laesionis vteri sublationem, et febrilium motuum temperationem, indicat. Interdum morales causae, desideria varia, votorum expletionem, si ea tuto fieri potest, suadent, aut saltem animi pathematum compositionem.

§. XX.

Aquae Joteriae, quae saepiuscule in ataxia mensium, et recte, suadentur, siue *potentur*, siue ex iisdem bal-

nea instituantur, similes exposcunt cautelas. Inertibus humoribus salinae magis, saponaceae, et alium ducen-
tes, opponuntur. In defectu sanguinearum, stricte sic
dictarum, partium, martiales magis conueniunt, quae
et in fibra laxa profunt. Vt tamen vbique debitum
regimen obseruetur. Sic quoque balnea saponacea, e-
mollientia, in fibra stricta profunt, in debili magis mar-
tialia, vel quoque seleniticam terram fouentia. Eadem
ratio est balneorum artificialium, infessuum, pediluuiio-
rum. Pediluua reuellant humores a superioribus parti-
bus, et, iusto tempore, deriuent ad vterum. Infes-
sus vaporosi inuitent, quoque, *ευναίως*. Emollientia,
vsurpentur in dysmenorrhoea, magis spastica. Emmena-
goga demum, carminatiua, paululum aromatica, bal-
nea adhibeantur, praemissis praecipue praemittendis, in
humorum, atque fibrarum, inertia.

§. XXI.

Eae quae, in variis ataxiae mensium speciebus vsur-
pandis medicamentis, suppeditatae sunt *regulae therapeuticae*
generaliores, specificis decantatis potiores, etiam circa or-
dinandum *vitae genus*, et *diaetam, secundum variam ho-*
minum sortem, determinandae veniunt. Sic v. c. in de-
bilitate, humorum tenuitate, excretionem nimiam, nutri-
entia, cardiaca, quies: in humorum visciditate, fibra-
rum torpore, motus et potus, incitantia nonnulla, muta-
tiones obiectorum, et consuetudinis, *et.* quadrant. Optan-
dum foret, vt et *cuique suum* a medico posset impertiri.

VIRIS

ILLVSTTRIBVS EXCELLENTISSIMIS
EXPERIENTISSIMIS AMPLISSIMIS DOCTISSIMISQVE

DOMINO

IOANNI

HENRICO

RHAN

MEDICINAE DOCTORI

CELEBERRIMO ET REIPVBLICAE TVRICENSIS
SENATORI DIGNISSIMO

DOMINO

IOANNI GESNERO

MEDICINAE DOCTORI

PHYSICES ET MATHeseOS IN ACADEMIA
TVRICENSI PROFESSORI PVBLICO VENERANDI CANO-
NICORVM COLLEGII MEMBRO ACADEMIAE IMPERIA-
LIS NATVRAE CVRIOSORVM ET SOC. REG. SCIENTIAR.
BEROLINENSIS SVECICAE UPSAL. GOETTING. PHYSICO
BOTANICAE FLORENTINAE ET PHYSICO-MEDICAE
BASILEENSIS MEMBRO

DOMINO
SALOMONI
SCHINZ

MEDICINAE DOCTORI

EXPERIENTISSIMO ET REIPUBLICAE TV-
RICENSIS DVCENTVM VIRO LONGE
MERITISSIMO

FAVTOBIBVS AC PATRONIS MEIS
AETERNVM COLENDIS
NEC NON

DOMINO
IOANNI
CASPARO
HIRZELIO

MEDICINAE DOCTORI

INCLYTAE REIPUBLICAE TVRICENSIS DVCEN-
TVM VIRO ARCHIATRO ET SYNODI ASSESSORI

PATRI DVLCISSIMO OMNI AMORIS PIETATIS
ATQVE HONORIS CVLTV PROSEQVENDO

Quemadmodum memoriam beneficiorum a VOBIS, VIRI ILLVSTRES, in me, a Prima Iuventute, collatorum, nullum tempus deleturum est; ita nulla aetas, nullaque impedimenta, obstabunt, quominus gratam, imo gratissimam, de illis VOBIS referam mentem. Utinam fortuna benigna permetteret, ut pro dignitate, atque iustis votis VESTRIS, grati animi documenta exhibere valerem: Sed magnitudo ac multitudo beneficiorum, mihi a VOBIS tributorum, quorum numerum hic referre nec locus, nec otium permittunt, aequè ac Virium mearum imbecillitas, sperare non sinunt, quod unquam officiis mihi incumbentibus ex Voto satisfacturus sim. Interim humanitas VESTRA non dubitare permittit, quin in voluntate mea qualicunque benignissime acquiescatis, et qualiacunque gratae mentis specimina aequi bonique consulatis. Hac spe ductus, primitias studiorum meorum VOBIS offerre, ac NOMINIBVS VESTRIS LONGE CELEBERRIMIS, humillima mente dicare, atque dedicare, ausus sum, certissime persuasus, quod leuidente admodum hoc munusculum beneuola voluntate accepturi sitis. Crescentibus in posterum viribus meis, et si Deo placuerit, quod ardentissimis precibus opto, vitam VOBIS, pariter ac mihi, prolongare, occasio nunquam deerit, plura officiorum VOBIS debitorum monumenta ponere. Opto modo, opto ex intimi animi affectu, ut SVMMVM IDEMQVE BENIGNISSIMVM NVMEN VOS omnes quam diutissime superstites esse iubeat! Opto, ut viribus VOS sufficientissimis instruat, quo munera VOBIS imposita rite administrare, atque

que DEO pariter ac proximo, suauissimaeque patriae inservire, salutemque VESTRAM, et aliorum, pro Virili promouere queatis.

TE, quod attinet, SVAVISSIME PARENS, TIBI praesertim non tantum longissimam vitam, sed et indulgentissimam quoque mentem, quam hucusque uberrime expertus sum, ex animo opto. TE enim salvo ac sospite nunquam deerit gratissima occasio, ex doctrinis atque exemplis TVIS nouam utilitatem capiendi, atque sub autoritate TVA cognitionem meam in dies augendi: at aderit quoque occasio, animumgratum meum TIBI ostendendi, et si fieri potest, in grauissimis negotiis TVIS TE subleuandi. Vivite ergo, vigete ac florete per longam annorum seriem salui ac felices! Vivite mei memores! Vivite persuasissimi, quod nunquam in VOBIS colendis ulli cessurus sim! Omni data occasione potius animum VOBIS deditum monstrare studebo, ad cineres usque permansurus,

VIRI ILLVSTRES

AMPLISSIMORVM

NOMINVM VESTRORVM

Dabam Erlangae, d. X. Octobr.
MDCCLXXII.

obseruantissimus Cultor

I. C. HIRZEL.

§. XXII.

Hysteria, cum admodum latae significationis vox sit, certe varia etiam methodo tractanda est, a medico rationali, prout nunc ea ut vera vteri adfectio, et inde pendens effectus varius considerandus est: vel prout aliae, et adductae, causae materiales, et saepe morales, V. TISSOT *Essai sur les maladies de gens de monde*, p. 34. Ill. PRAES. *von Bläbungen*, p. 66. 74. 98. corporis partes varias, et vterum quoque, alterant. Haec causarum, et euentuum, diagnosis, obseruantem medicum demum instruit, vtrum, pro *re* nata, euacuantia, vel temperantia, carminatiua, neruina, roborantia, *cet.* propinare debeat, an nunc causam magis, vel interdum vrgentia symptomata, tollere, aut interdum vna fidelia duos dealbare parietes, et combinare agendorum rationes, adlaborandum ipsi sit.

§. XXIII.


Lochia denique, suo tempore, consideranda veniunt. Haec cum eosdem fere fontes, ac menses, agnoscant, suas quoque irregularitates patiuntur. Hae autem ataxiae, habito tamen vbique debito discrimine, forte ad similia genera, ad quae mensium ataxias retulimus, possent referri. Verum, cum lochiorum fluxus tantum circa puerperium, aut etiam abortum, obuেনiat, neque proprie amplius mensium negotium inuoluat, de quo magis sermo hucusque nobis fuit, illorum tractationem, nunc non persequimur, vtpote aliam scenam aperientem, sce-



scenaeque descriptionem, postulantem. — Euolutum, ex parte, dedimus STATVM quendam MORBOSVM, seu potius, pro temporis ratione, *sciagraphiam* quandam *status cuiusdam morboſi*. Forte alii *status morboſi*, si eorum causas, euentus, et euentuum schema, spectes, et *rectum*, cum *obliquo*, cuius illud *regula* est, computabis, etiam simili ratione, aut plenius et melius, possent describi. — Interim vt et hanc opellam Deus bene vertat, et vt beneuolus lector conatibus nostris faueat, cunctaque suis non destituantur vsibus, enixe precamur.

T A N T V M.





NOBILISSIMO

DOMINO HIRZELIO

S. P. D.

P R A E S E S.

Sequeris igitur exempla aliorum conterraneorum tuorum, NOBILISSIME HIRZELI, qui et in nostra academia gnauiter salutaribus scientiis operam dedere, et adhuc dant, et qui quoque a nostra facultate summos in medicina honores iam reportarunt, eosque ornarunt. Postquam enim a CEL. PARENTE, et ab inclytis viris, qui patriae TVAE ornamento sunt, scientiis, quae ad medicum pertinent, imbutus eras, eas in alma VIENNENSI vberius excoluisti. Tum etiam inter nos versatus es, et vidisti, quamnam operam, in tradendis disciplinis physicis et medicis, impendamus, ita ut optimis quibuscunque occasionibus hic uti possint philiatrī. TV vero, cum nunc quoque summis in medicina honoribus exorneris, sequenda etiam amplius ducis praeclara exempla conterraneorum TVORVM, in illustri posita. Atque hoc ut felicissime fiat, ut adspiret summum numen, ut TIBI, cum TVIS, omnia rectissime cedant, ex animo opto. Vale!

Dab. Erlangae d. IX. Oct. MDCCLXXII.



V I R O

PRAENOBILISSIMO DOCTISSIMOQVE

IO. CASPARO HIRZELIO

DOCTORATVS IN ARTE SALVTARI CANDIDATO

DIGNISSIMO

FAVTORI ATQVE AMICO SVO OMNI VENERATIONIS


CVLTV PROSEQVENDO

S. P. D.

M. CHRISTIANVS MASIVS

P. P. E.

Ad acquirendos in salutari arte summos honores, dum, dissertationis TVAE inauguralis ventilatione, viam TIBI pandis, praeter alios me quoque, non testem eruditionis TVAE modo, sed etiam antagonistam, adeo voluisti. Grata mente beneuolentiam TVAM agnoscens, mandatis TVIS lubentissimo animo subscribo, licet vita mea, a studiis TVIS maxime aliena, ab his cancellis me longe arcere debuisset. Vt consilium TVVM, quod in bonum publicum vergit, maxime laudo: ita lauream, qua iam ornandus es, quamque ingenii TVI alacritate ac dexteritate, doctrinaeque medicae apparatu, TIBI comparasti, ex sincero animi affectu gratulor. Gratulor simul PATRI TVO ILLVSTRI de filio erudito, gratulor patriae dulcissimae TVAE de ciue utili pariter ac digno, gratulor denique omnis generis aegrotantibus, de auxiliatricibus manibus TVIS, quas adiuuante Deo experturi sunt. Votorum, quae his addere possem, summa eo tendit, vt summum, idemque benignissimum Numen TE per longam annorum seriem saluum atque incolumen conseruet. Quod si obtinueris, felicitas nulla TIBI deerit. Omnigena prosperitate ornatus, vt mei memoriam absens quoque conserues, enixe rogo. Equidem saltim eum in finem fauori atque amoris TVO de meliori me commendo. Dabam Erlangae d. XII. Oct. MDCCCLXXII.



VIRO

PRAENOBILISSIMO DOCTISSIMO

IO. CASPARO HIRZEL

DOCTORALIS DIGNITATIS CANDIDATO DIGNISSIMO
AMICO SVO LONGE AESTVMATISSIMO


S. D. P.

I. C. D. KRAVSS

MED. DOCTORAND.

Ex quo tempore tam felici mihi esse contigit, vt amicitia et consuetudine TVA vti coeperim, semper in TE admiratus sum praeclarum TVVM Ingenium, et solidiorem Doctrinam TVAM; ob quam non potui non et amare TE et magni facere. Vel maxime itaque laetor, quod et in eorum numero me esse velis, qui TIBI honores, quibus ab INCLYTO Medicorum ORDINE ornaberis, publice gratulabuntur, quique occasionem TIBI praebent, Doctrinam TVAM publicis Sermonibus declarandi. At ne graua a me expectes dubia! Perlecto enim TVO egregio specimine, vidi tam erudite illud conscriptum esse, vt etiam ab illis comprobari debeat, quibus non pariter ac mihi concessum erat, illa persentiscere eruditionis profundioris momenta, quae in Intimis TVIS recondita iacent. De moribus nil dicam TVIS, quoniam candorem et Modestiam animi TVI digne describere, ipsa TVA modestia vetat. Vere TIBI Honores iam in antecessum gratulor, in TE merito conferendos. Gratulor Parentibus de filio eruditissimo. Gratulor et Sanis, et Aegrotantibus, Patriae TVAE, de Viro in vtraque arte Apollinea Inclyto. Benedicat Summum Numen conatibus TVIS omnibus. Conseruet TE per longissimam annorum seriem saluum et incolumem. Et sic ex amplexibus meis discedens Valeto.

Dabam Erlangae d. XII. Octobris MDCCLXXII.



PRAENOBILISSIMO AC DOCTISSIMO
DOMINO DOCTORANDO

AMICORVM OPTIMO

S. P. D.

L. C. VOIGT.

BARVTHINVS. STVD. MED. OPPON.

Dum iam in eo es, vt summos in arte medica honores, pro iis quibus gaudes, meritis, adipiscaris, equidem non possum quin gaudium mihi inde enatum publice TIBI significem, laureamque TIBI ex animo gratuler.. Quod reliquum est, nihil ardentius precor, quam vt omnia, summum numen, exoptata TIBI, ex votis, cedere iubeat.

In posterum vero, vt absens quoque mihi faueas, enixe rogo, et de meliori amoris tui me commendo. Dabam Erlangae

d. VII. Octobr. MDCCLXXII.

Durch treuer Freundschaft Pflicht mit *Dir* genau verbunden,
Nimmt mein empfindend Herz an *Deinem* Glücke Theil,
Und heitre Freude blickt aus meinen Zügen, weil
Ich heut *Dein* edles Haupt mit Lorbeern seh umwunden.
O welche Lust, wenn ich *Dich* in dem Stand erblicke,
Den *Dein* Verdienst erwarb. Doch ach! es nahet sich
Zu schnell! Der Schreckens-Tag, an dem ich, *Bester, Dich*
Verliehren soll. So wird vom mächtigen Gesckicke
Der Freund, den es mir gab, bald wiederum entführet!
Mein *Hirzel!* lebe wohl! komm, Freund, komm bald beglückt
In *Deine* Vaterstadt, wo feyerlich geschmückt
Dein weitberühmtes Haus, durch *Dich* noch mehr gezieret,
Mit Sehnsucht nach *Dir* sieht. Wann *Du* dann dort gekrönet
Mit Stand, Verdienst und Ruhm, im Schoos der Freuden bist;
Dann denk, mein *Freund!* an den, der *Deiner* nie vergißt,
Der mit Vergnügen sich stets zärtlich nach *Dir* sehnet,

an *DEINEN*

aufrechtigstergebensten Freund
und Diener